

ME OC'H ADOR, O SACRAMANT SANTEL!
GANT UR GALON EUN HAC FIDEL.



HON DELIVRAIT, O VA ZALVER JESUS!
DEMEUS AN TEMPEST QEN KUZUS.

AN TEMPEST.

Douz oll-galloudus, Mestr an elemanthou,
Cetu ni ta hirio preiz eus an tourmantchou!
A boan eus pèvar bloas, dre ur vocen eüzus,
E voamp oll reduiset da ur stat horrerus,
Ma velomp var hor brò rën un Tempest counnar,
Hac a laqa fremi ar môr hac an douar.....

Petra eo an drous-se a vranl ar forestou,
A strael er menezioù, a srich en draouniennou?
Perac an drous hir-se, ar yuderes hep fin
Deus an elemanthou, diouz an nôs d'ar mintin?
An horrubl avel bis, stringet dreist hor pennou,
Dindan un eê téval a lanç e dempestou.
Yudal, trei ha gourdrous a ra gant trous spontus,
Hac e venaç dreist-oll Breiz-Izel maleurus!
Goaguennou ar môr don a sav vel menezioù,
Hac en o flonch qerqent e fonç an abimou;
Ar gouez, er c'hojeyer, fraillet ha diframmet,
Hac ar ravach dre oll a ra en em velet;
Ar grizill, ur môr glao a güez vel un diluch,

* Hac a laq endro deomp qement so en distruch.
* Ar voasiouigou so en goasiou bras chenchet,
* Hac an oll rivierou tro vardro debordet;
* Lodennou menezioù so en em distaguet,
* Pontchou so distrujet, ha ties discaret:
* O restajou a heuill fulor an doureyer;
* Anfin, nemet horrol dre oll mui na veler.
* An dour hac an avel, en ur seurt tintamar,
* A ra crena betec e calon an douar.
* Var ar môr al lestri, tolet ha distolet,
* A string var ar riblou corfou martolodet,
* Ar bed so menacet da zistrei d'ar c'haos,
* Hac e seblant mesqa hac an deiz hac an nôs.
* Peur e velimp ar c'halm en hor brò baour o ren,
* Hac ar boneur etouez an oll bobl christenien!
* O Tempest spouronus! arrêtit ho furror....
* O va brò! ô natur! ô theatr a horror!....
* O Doue! chadennit an tourmantchou dirol,
* Ha roit, ni ho ped, ar c'halm brema deomp oll.

P E D E N

D'hon Autrou JESUS-CHRIST, evit obten demeus e visericord divin ma laqayo fin d'an Tempest horrubl pehini a laqa an desolation da rën en hor brò baour.

O va Zalver adorabl ha meurbet carantezus! prosternet humblamant ouz ho treid sacr, ha leun a gonfiñç en ho madelez infinit, e credàn dont d'ho supplia da laqat un termen d'an Tempest horrubl pehini a rën abaoe qeit all amzer, hac a zoug ar ravach hac an distruch ebars en hon toues.

Pa en em dichaden an aveliou counnaret varnomp, en eur yudal qer spontus; pa deu al luc'hed d'hor spouroni; pa grën an douar ha pa zeu d'en em digueri gant an nerz demeus an tourmanchou, betec ar fonç eus e abimou, na ellàn caout nep recours nemet ennoc'h, va Doue, hac e lavaràn diouzòn va-unan: O va Doue! c'houi a so mad; na erruo netra nemet ar pezo ordrenet.

Oll œuvrou ho taouarn, ô va Doue! oll e tennont d'ar vad assambles; oll e zeo buez an natur; ne zeus na maro, na destruction absolut. Na zeus nemet chenchidiguez ha passach da ur vuez nevez.

Ordren a rit-hu d'ar gurun, d'an tempest, dont d'am distruja? cetu me amâ; prest oun, va Zalver, mar deo ho polontez; depouillit ac'hanòn demeus ar c'horf marvel-mâ; mes, petra a ellont-i a enep va ene immortal? Ma affranchisso ac'hanòn demeus a liamou ar c'hig, ha va speret a yêlo ennoc'h da gavet e liberte. Autrou J.-C., hoc'h adori a ràn e creiz an Tempest horrubl pehini a rën, e creiz ar storloq eüzus eus an oll elemanthou dichadennet, eus an drous bouzarus eus an doureyer a gouez demeus an eed a livadou vras.

Doue a garantez! mar teu ar grizill, an tourmant, da ravagi parqeyer va amezeg; mar teu ar fouldr da laqat an tân en e di, va freservit da sonjal en deveus meritet an disfortun-se. Ra bellayo ur sonjeson qer fall diouzòn. Inspirit din qentoc'h compassion en andret va breur maleurus. Ordrenet hoc'h eus oll gant madelez, ô va Jesus! hac ho polontezioù a so urzou a garantez. Nebeutoc'h e zeo ur c'hastiz oc'h eus scöbet var va amezeg, eguet un accidant destinet da eproui va c'harantez.

Felvezout a ra deoc'h, ô va Zalver adorabl Jesus-Christ! e recefen ebars va zi an hini en deveus collet e hini, e partachen frouez va douarou gant an hini en deveus dioueret e re, pe dre an Tempest, pe dre ur maleur all benac. Se eo ho polontez santel; oll e tenn d'an union divin, d'au union eus a garantez Doue gant ar bed antier. O Jesus-Christ! hoc'h adori a rin hepret e creiz an Tempest, rac beza e zoc'h en oll an Doue a garantez.

Deurvezit ive teuler ur zell a drugarez var ar vartolodet paour, perè, epad rën an tourmant horrubl-mâ, a so exposet da vil danger. Anfin, Autrou Jesus-Christ, plijet d'ho madelez infinit laqat ar c'halm da succedi d'an Tempest spouronus pehini a zoug an horrol hac an distruch en hon toues. Evelse bezet grêt.

Yn2